

# Musicas grischunas cun success a la concorrenza a Montreux

■ (mc) **Buns resultats per las brass bands grischunas a la 38avla concorrenza svizra da musicas da brass a Montreux. La Brass Band Sursilvana, sut la direenziun da Roman Caprez, ha cuntanschì il 5avel rang en emprima categoria.** La Brass Band Surselva ha sunà il toc «Salome» da Gareth Wood ed ha acquistà 90 puncts ed uschia il tschintgavel rang final en la gruppa ferma nua che 18 concurrents èn sa mesirads.

En la segunda ferma classa ha la Brass Band da Cazas sut la direenziun da *Michael Zoppas* cuntanschì cun 89,66 puncts il 5avel rang final tar 16 participants. Lur toc da pensum è stada la cumposiziun «Croll Patrol» da Goff Richards.

La Societad da musica Jenaz sut la direenziun da *Patrik Rothenberger* è sa preschentada en la terza categoria e quai cun il toc «Clous» dil cumponist svizzer Bertrand Moren. Denter ils 15 participants è

la Musica da Jenaz la finala sa tschantada cun 93 puncts sin il sisavel rang.

**Corsin Tuor cun treis musicas**  
Gist cun trais furmaziuns è il musicist

*Corsin Tuor*, oriund da Trun, sa preschentà a la Concorrenza da brass

bands a Montreux. En la classa superiura ha el dirigì la «Brass Band Berner Oberland» ed ha acquistà 175,66 puncts ed il settavel rang dad 11 participants.

Cun la plima en la categoria d'elita è La Brass Band Fribourg ida, suandada da la Brass Band Bürgermusik Lucerna (189,33 puncts) e la Brass Band Treize Etoiles cun 185 puncts.

En l'emprima categoria ha Corsin Tuor gudagnà cun sia Brass Band Rickenbach cun in maximum da 94 puncts l'emprim rang.

En la terza categoria ha Corsin Tuor dirigì la Musica giuvenila da Michelsamt e cuntaschì 94,66 puncts ed il tschintgavel rang da 15 participants.

Plinavart ha *Rafael Camartin* dirigì la Brass Band Imperial Lenzburg che ha fatg 91 puncts ed è sa rangada sin il quart plaz.



**La Bass Band Sursilvana ha cuntanschì il 5avel plaz.**